

## ZIKLO-KROSA

# Munduko bederatzi lehenak Zarauzko Superprestigioan lehian izango dira

Azkarragoa bihurtu duten proba ikusteko dohaineko sarrera jarriko dute

**D**atorren igandean korrituko da Zarauzko Ziklo-kros Superprestigioa (ETB-1, 12.30), eta atzoko aurkezpenean UCiren sailkapeneko hamar lehenetatik bederatzi bertan izango direla jakinarazi zuten antolatzaileek. Pontonik iazko garaipena defendituko du, eta ibilbidea aldatuta azkarragoa bihurtu duten proba ikusteko sarrera dohainik izango da.

## DONOSTIA

Daniele Pontoni italiarrak ez du erraza izango iaz Zarauzko Ziklo-kros Superprestigioan lortutako garaipena datorren igandean berdintzea, munduko hamar espezialista onenetarik bederatzi irteera lerroan izango baitira. 44 txirrindularik eman dute izena Karcher Sari Nagusirako, eta afizionatu mailako munduko txapeldunaren ondoan Radomir Simunek txekarra, Thomas Frischkenet suitzarra, Danny De



Henrik Djernis danimarkarra faborito nagusien artean izango da.

Bie, Paul De Brawer, Paul Heringers, Edward Kuiper (Duranan irabazi berria), Camrda, Van den Abeele eta oraingoz Superpresti-

gioko bi proba irabazi eta lider ageri den Mark Janssens izango dira garaipenerako faborito. Euskal ordezkarien artean Iñigo

Igartuak onenen pare ibiltzeko gauza dela erakutsi du European zehar, postu onak eginez, eta haren ondoan izango dira Mujika, Izagirre eta abarrak.

Zarauzko goiko kanpineko zirkuituak 2.400 metro izango ditu, eta ibilbidean aldaketa batzuk egin dituzte. Proba aurreko urteetan baino azkarragoa izango da, horren ondorioz, eta bederatzi milioi pezetako aurrekontua duen lasterketarako sarrera dohainik izango da, aurreko aldiz. «Zirkuituan egindako aldaketak ez dira oso nabarmenak, baina proba azkarragoa bihurtuko da horrela, eta ikusgarriagoa».

Partehartzaileen artean Radomir Simunek bereziki aipatu beharra dago. Txekarra bi aldiz izan da munduko txapeldun afizionatuetan, eta behin profesionalean. Iaz, Zarauzko Superprestigioan parte hartu eta etxera zihoala errepide istripua izan zuen. Denbora luzea behar izan zuen erabat osatzeko, eta aurreko lehiaketara itzuli da, hasi berria den ziklo-kros denboraldian. 42 urteak beteta, oraindik ere sasoiko gaizeak menderatzeko gauza dela erakusten saiatuko da Zarautzen Radomir Simunek.

## RUGBYA

## Baionak ezinbesteko garaipena lortu zuen

KOLDO ALDUNTZIN / DONOSTIA

Liga jardunaldi berria urratu zuten Iparaldeko zein Hegoaldeko asteburu honetan. Frantziako ligan ezinbesteko garaipena eskuratu zuen Baionak lider postuan dagoen Bordeleko Beglesen aurka, neurketa biribila eginez (13-9). Eguzkiak bete-be-tean jotzen zuen arren, hotzak ederkiz mugiarazi zituen jokalaririk Saint Leoen. Baionak nahitanezko garaipena arrisku postuetatik aldentzeko, eta ez zuen lan makala egin lideraren aurka.

Bordelekoak hasi ziren erasoan eta 3. minutuan Etxeto joko zabaltzaile baionarrak hagean jo zuen lehen aukeran. Hortik aurrera, lapurtarrak nagusi izan ziren lehen zati osoan. *Touche*-tan Dongieuk izugarritzko lana egin zuen eta hori izan zen alde nagusia: 15 irabazi zituzten baionarrak eta 5 bakarrik Begles. Joko irekian ere, azkarragoak ziren lapurtarrak meke irekietara heltzen. Hala ere, ez zen 39. minutura arte iritsi lehen entseia eta ikusgarria gainera.

*Touche* berri bat irabazi ondoren, eskura zabaldu eta Lamaison atzelariaren sarrera aprobetxatuz, Berazak jaso eta honek abiadura handiz arerioak gaudituz entseiu bakarria egin zuen. Aldez aurretik Cazabanek 6 puntu lortuak zituen ostikoz. Atsedenera beraz, 13-6. Hiru laurdenetakoek ere beraien saioak egin zituzten.

2. zatian zertxobait berdindu zen jokoa, baina baionarren eskuetan denbora luzeagoz egon zen baloia: 13-9ra ere hurbildu ziren Beglesekoak Etxetoren hankari esker. Baionar joko zabaltzaileak ahalegin handiak egin zituen atzealdetik jokatzen eta azken minutuan entseia ere egitekotan izan ziren. Hortaz, merezimendu osoz lortu zuen garaipena euskal taldeak. Orain, 6. postuan dugu.

### MIARRITZE-K PARTIDU ESKASA

Miarritzeri dagokionez, partidua eskasa jokatu zuen Bourgoinean, 22-6 galdut. Merezimendu osoz irabazi zuten etxeok arlo guztietan nagusituz. Lehen zatirako 13-3 ziren aurretik. Cecillonek egin zuen

etxeokoen entseia eta Arrietak zuri-gorrien zigor kolpea. Aldaketa dexente hamabostekoan iragarri genuen bezala. Orain, lidergoa galdu ondoren 2. postuan aurkitzen da Miarritze, Agenekin berdinduta 16 punturekin.

B-1 multzoan Donibane-Loizunek 19-19 berdinketarekin itzuli zen Saint Gaudensetik. Etxekoak baino azkarragoak izan ziren Donibaneok eta garaipena merezi izan zuten. Lehen zatian haizea etxeokoen alde eta 13-7 atsedenera. 2. zatian, 2 entseiu egin bazituzten ere, ezin garaipena lortu. B-2 multzoko 12. *poule*-an Garazik eta Pamiersek partidua ikusgarria egin ondoren, 17-17 berdindu zuten. Baigorri aldiz, 28-9 galdu zuen La Testen.

### BERA BERA-K PORROT HANDIA

Anoetan talde batek bakarrik jokatu zuen Bera Bera eta El Salvadorren arteko neurketan, eta hori liderra izan zen (3-68). Valladolidekoak zeharo nagusitu ziren bai joko geldean zein irekian. Donostiarrei defentsan aritzea egokitu zitzaizen ia neurketa osoan eta be-

raien alde *maule*-tan eginiko lana. Valladolidekoek oso talde orekatua erakutsi zuten eta gauzak aldatzen ez badira, Getxo eta Sevillako Monte Rugbyrekin batera txapeldungai argiak dira.

Igandean Candau anaiekin batera gainontzekoek maila ona erakutsi zuten. Horrela, atsedenera 3-39 aurreratu ondoren, 2. zatian zertxobait presioa jaitsi eta donostiarrak gora egitera animatu ziren. Hala ere, aldeia izugarritzkoak izan zen.

Getxo taldea aurrera doa bidea irekitzen tinko, eta 24-3 irabazi zion Tecnidex Valenciari Faduran. Ez zen ohizko Getxo indartsua agertu Faduran, baina ez zuen gehiegizko jokorik egin behar izan teknikoki ahulagoa zen taldearen aurka. Horrela, 2. postuan segitzen dute bizkaitarrek 12 punturekin, El Monte Rugbyrekin batera El Salvadorrengatik 2 puntura. Bera Berakoak 6. postuan daude, 7 punturekin.

Lehen mailan, Ordiziak Gaztediren aurkako euskal derbia 42-7 irabazi ondoren, Gernikak ezin izan zuen Montjuic gauditutik Urbietan (13-32).

## TENISA

Stich eta Graf alemaniarrek maisu-maistra

## DONOSTIA

Michael Stich eta Steffi Graf alemaniarrek izan dira Masterseko irabazle, Frankfurt eta New Yorken. Pete Sampras estatubatuarren aurka lortutako garaipenarekin, Festhaller gainezka bete zuten ikusle alemaniarren zorarena eragiteaz gain, ATP sailkapenean bigarren posturaino igo da Stich, aurreko aldiz. 1991n Wimbledon irabazi zuen alemaniarrek, «eta ordudunik lortu dudana garaipen garrantzitsua izan da Mastersa», adierazi zuen finalean 27. ace egin zituen tenislariak.

Etxean beste inon baino hobeto moldatzen da Stich, eta horren erakusgarri, aurreko Mastersa baino lehen Stuttgart eta Hamburgon txapeldun izateaz gain, Munich eta berriro Stuttgarten finala jokatu du.

ATP sailkapenean Pete Sampras lehen postuan jarraitzen du alde handiz (4.128 puntu) eta Michael Stich (3.445) bigarrena da. Frankfurt izugarritzko porrota jasan duen Jim Courier (3.390) aurreratu ondoren. Irabazien zerrendan ere Sampras (3.648.075 dolar) da lehena, eta Courier (3.584.321) eta Stich (2.936.521) dira hurrengo biak.

Emakumezkoetan, Steffi Grafek New Yorkeko finalean Arantxa Sanchez Vicario menderatu eta hirugarren Mastersa irabazteaz gain, irabazien errekorra hautsi du aurreko. 2.800.000 dolar irabazi ditutako WTA sailkapeneko liderrak, Selesk iaz ezarritako marka (2.624.352 dolar) gaudituz. Azken bi urteetan etsarik gabe aurreratzen zuten serbiarra, baina Grafen zaletu batek labankardaz zauritu eta tenisa uztera behartu zuenetik, alemaniarrek tinko hartu du Selesk utzitako lekukoa.

New Yorken finalerdietako gora-beherek eragin nabarmena izan zuten Graf eta Sanchez Vicarioen arteko finalean. Espainiarrak askozaz partidua gogorago jokatu behar izan zituen finalerako bidean, eta honen nekeak garaipena erraztu zion alemaniarri. Aurreko bi urteetan partidaritu zen Steffi Graf Mastersean, eta «New Yorken berriro irabaztea amaiera ezin hobea da urte biribila agurtzeko».